

Guangjsih Minzcuz Bau

ganhhau: CN45-0036 B.2019 Nd.6 Ng.5 liggaeuq geijhailh nienz ndwenngux cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3377期

Hag Baenz Myauz Gun Song Vah Bangrengz Vut Gungz Gunggeng

Ndwen 5 ngoenz 28, aen ban son' gyauc Myauz Gun song cungj vah Liujcouh Si youz Liujcouh Si Minzcunghvej cawjbanh, Yungzsuij Myauzcuz Swciyen Minzcunghgiz ciepbanh haenx youq Yungzsuij Sanghlungzough Ginggih Mung' vuh Mbanjmyauz haiban, aen ban neix guh 6 ngoenz, 40 lai boux vunzlai Myauzcuz Mung' vuh Mbanjmyauz caeuq mizgven bouxguh hong ginggih gungh 78 boux caeuqfaenh baez son' gyauc neix.

Mung' vuh Mbanjmyauz dwg dieg guhyienh "lijyouz + banggungz" Yungzsuij, seizneix gaenq miz 13 ranz 42 boux ranzgungzhoj laeb dangjan laeb gaj Ganjdung Yangh Ginjdung Cunh youq 100 lai goengleix gyaehaenx buen haeujbae youq, cungj dwg

beixnuengx Myauzcuz. Vih hawj ranzgungzhoj haeujbae youq Mung' vuh Mbanjmyauz haenx rox yungh Vahbujdungh raeuzrwd caeuq bouxhek ganggoj, doengzseiz mizgven bouxguh hong ginggih goj aeu hag vah Myauzcuz, daezsang gij naengzlig doxdongx doxgangj, minzcunghvej aen si neix banh le baez ban son' gyauc neix.

Gwnz hoih son' gyauc bouxdaeuz gak gaep iugouz bouxhag aeu insik aen seizgei hagsib neix, daezsang roxyiuj ngeixnaemj, nyinhcaen hag baenz gij giekdaj Vahmyauz Vahgun, dingh gij dajveh hagsib, cau' ok gij heiqfaenh ndei hag Vahmyauz caeuq Vahbujdungh, gyalai gagrox caeuq gaenxmaenx gangj Vahbujdungh, dingmaenh ndaw ban doxson doxhag dox giethab, dingj-

maenh hag lienh Vahmyauz caeuq Vahgun caeuq gij aeyungh guhhong saedsaeh dox giethab. Roengzrengz aeu Vahmyauz caeuq Vahbujdungh hag baenz, engq ndei caeuq gyoengq bouxhek doxdongx ganggoj, bangrengz lijyouz hwngfat, saedyienh laisou vut gungz.

Ngoenz haenx, mizgven lauxhangz Swcigh Minzcunghvej hwnjdanz ciendaeh son' gyauc. Hag 6 ngoenz neix, bouxhag lij aeu hag 《Diuzlaeh Hong Saw Vah Minzcuz Vunznoix Gvangsijh Bouxcuengh Swcigh》; 500 coenz Vahmyauz aenbaez yungh daengz; 《Fwen Cox Hek》《Fwen Gingq Laeuj》Myauzcuz daengj dem.

(Veiz Yungzcunh Vangz Cwngz)

Sanhgyangh: Lwghag Senj Dieg Youq Banggungz Angqgvaq "Roek It"



Ndwen 5 ngoenz 31, Sanhgyangh Duncuz Swciyen Vwnzmingzban, Fulenz youq Gujiz Cin Gyanghconh Siujyoz lienzhah banh aen hozdung "gvansim lwgnyez louz mbanj · hawj gij gyaeh dauqrantz" angqhoh ciet lwgnyez gozci "roek it", 1000 lai boux hagseng caeuq bohranz senj dieg youq banggungz haenx doxcomz giz ndeu, ciengqgo diuqfoux, bohranz lwgnyez diuq dohyeh, bohranz lwgnyez doxcaemh gwn ngaizhumx daengj hozdung lai cungj lai yiengh, caez angqhoh ciet "roek it". Ndaw doz dwg lauxsae caeuq hagseng hwnj daiz ciengqgo diuqfoux.

(Gungb Bujangh Vuz Cenzhungz/龚普康 吴全红)

Vujmingz Gih: Eu Fwen Ciengqgok Banggungz Biencieng Moq

"Byasang fouz roen couh hwnjguh, bungz raemx guh giuz menh gvaq dah; banggungz banghoj rap gwnz mbaq, mbouj ndaej baenaj sim mbouj fug." Mboengqneix, hot dem hot fwen goksasa youq aenmbanj Namzningz Si Vujmingz Gih Lingzmaj Cin Sinh lungz Cunh, doih yienjheiq cienciengz eu fwen banggungz aen singz neix yienj cezmuz ndei yawj hawj gyoengq vunzmbanj yawj, vunzmbanj cungj angqyangz doxcomz daeuj gizneix yawj heiq.

Gwnz daizheiq, gyoengq bouxyienj hopheux aen cawjdaez "akdaez dazyinx · yienjheiq banggungz", yungh eu Fwenguengh yienj 《Bouxbox Vut Gungz Aeu Dazbyauh》《Lamzdoz

Hungloet Coi Vunz Baenaj》daengj cezmuz ndei yawj, yungh gij fuengsik beksingq haengj dingq gyaeh yawj haenx danqhaenh cwngeuz moq okhingz moq yienghsienq moq vut gungz baenz miz, cau' ok gij heiqfaenh vut gungz gunggeng naekgywd, vih caenh' itbouh dwkhingz ciengz ciengq vut gungz gunggeng dwk roengz giekdaj maenhsaed.

Geij bi neix daeuj, Vujmingz Gih youq guh cinjing banggungz doengzseiz, lij doenggvaq guh bae mbanj yienjheiq banggungz, daj cingsaenz gujli, vwnzva hwngfat, cau' ok heiqfaenh daengj caengzmienh, fatok gij cozyung bangrengz yienjheiq youq mwh

guh hong banggungz. Caemhcaiq dajveh daj bi 2018 daengz bi 2020, binaengz bued cienz caizcwn 200 fanh maenz doxhwnj, laebbaenz aen doih yienjheiq youq daengx singz 198 aen hozcozse vunzmbanj bangguenj guenjleix haenx, binaengz cunzyienj 60 ciengz doxhwnj, cungfaen fatok gij cozyung "bang cei" lajmbanj yienjheiq hozdung youq mwh guhhong vut gungz gunggeng, yungh gij heiq maenhndei gyalai rengzlig hawj vut gungz gunggeng, hawj vunzlai lai gaenx guh baenz miz, hawj yamqdin byaij haeuj siujgangh vunzlai engqgya rengzrwd.

(Banh Yenvaz)

SIUSIK DINJ

● Ndwen 5 ngoenz 30 banhaemh, Denzyangz Yen Cwngzdungh Youwzyenz youq dalijdanz Aen Cungsim Vwnzva Baeuqroxdoh ndaw yienh banh daiz vanjvei yienjheiq cienciengz hoh "roek it", vanjvei cawjdaez dwg "sim lwgnyez angqyangz · cuengqmbin aen siengjmuengh", gyoengq lwgnyez doxlwnz hwnj daiz yienjok angqyangz dangq-maz, yinx ndaej haujlai lwgnyez bouxlaux bae yawj.

(Vangz Gozsun)

● Ndwen 5 ngoenz 31, Lozcwngz Mulaujcu Swciyen Yenvej Senhconzbu bae daengz Gyausanz Yangh Banjdanz Siujyoz haiguh aen hozdung "roek it" camnai, caeuq gyoengq lwgnyez caez gvaq ciet lwgnyez. Mwh hozdung, senhconzbu soengq habbitmaeg, dangzbingj, doxgaiq dijyuz yungh daengj doxgaiq hawj 68 boux hagseng aen hagdanz neix, caemhcaiq hohfuk gyoengq lwgnyez ngoenzciet angqyangz.

(Vuz Siuhyiz)

● Mboengqneix, Denhngoz Yen Gohyoz Gisuz Hezvei bae Luzbaiz Cin Sojfaz Cunh hai aenhoih dangciengz son' gyauc dinfwngz dajndaem makbakhom. Mwh son' gyauc, bouxson daj rox faenbied binghnon raen lai makbakhom, banhfap fuengz binghnon, ngoenznaengz guenjleix daengj fuengmienh ciengzsaeq ganggej dinfwngz fuengzceih binghnon hawj gyoengq boux dajndaem makbakhom.

(Yangz Yenmeiz)

● Mboengqneix, Vujgingj Gvangsijh Cungjdui bae daengz Vanzgyangh Mauznanzcuz Swciyen Daanh Yangh Ginhgyauz Vujgingj Hihvang Siujyoz guh aen yizsi giensoengq, soengq buhvaq hagdanz seizndat, seiznit 502 dauq, haiz 256 gouh, riep 100 aen daengj doxgaiq dij 12 fanh maenz hawj aen hagdanz neix, yungh neix gaijndei gij diuzgienh sonhag caeuq ndwenngoenz daengxcungq lauxsae hagseng.

(Veiz Yui)